



SÖÐURNESJABÆR

# Aðgerðaáætlun

Um órofna starfsemi og þjónustu vegna COVID-19

1. útgáfa - 13. mars 2020

## Inngangur

Almannavarnir hafa lýst yfir neyðarstigi vegna heimsfaraldurs COVID-19 veirunnar. Stjórnendur Suðurnesjabæjar fylgjast vel með þróun faraldursins, ásamt leiðbeiningum og fyrirmælum landlæknis, sóttvarnalæknis og almannavarna. Aðgerðir almannavarna miða fyrst og fremst við að hægja á útbreiðslu veirunnar og beita aðgerðum til að verja fólk sem er veikast fyrir, eldra fólk og fólk sem er með undirliggjandi sjúkdóma. Stjórnendur Suðurnesjabæjar vinna að sömu markmiðum, ásamt því að leitast við að tryggja sem best órofna starfsemi og þjónustu sveitarfélagsins. Þær aðgerðir snúa m.a. að starfsfólki sveitarfélagsins.

Aðgerðaáætlun þessi miðar að því að tryggja órofna starfsemi og þjónustu Suðurnesjabæjar og byggir á viðbragðsáætlun Suðurnesjabæjar við heimsfaraldri inflúensu COVID-19, 1. útgáfa dags. 11. mars 2020.

Aðgerðaáætlunin felur í sér fyrirmæli og er einnig til leiðbeiningar fyrir stjórnendur og starfsfólk Suðurnesjabæjar. Í henni eru skilgreindar ráðstafanir sem gerðar eru í stofnunum og starfsemi sveitarfélagsins til að (a) varna sem best útbreiðslu og draga úr áhrifum veirunnar og (b) undirbúa skerta starfsemi, en með sem minnstri röskun miðað við aðstæður. Aðgerðaáætlun þessi er í stöðugri endurskoðun og getur tekið breytingum eftir þróun mála.

Þær ráðstafanir sem snerta beint íbúa sveitarfélagsins og notendur þjónustunnar eru birtar opinberlega sem tilkynningar.

**Starfsfólk getur átt von á að vera fært til milli starfa og starfsstöðva til að sinna verkefnum sem hafa forgang í heimsfaraldri.**

Aðgerðaáætlun þessi tekur þegar gildi og getur tekið breytingum.

Suðurnesjabæ 13. mars 2020

Magnús Stefánsson  
bæjarstjóri

## Ráðhús Suðurnesjabæjar í Garði og Sandgerði

- Afgreiðslur ráðhúsa verða opnar kl. 11:00 – 13:00 frá og með mánudaginn 16. mars 2020. Frekari ákvörðun um framhaldið verður tekin síðar.
- Starfsfólki skipt upp í 3 hópa, þeir hafi hver sína starfsstöð og þess gætt að þeir skarist ekki. Starfsstöðvar verða í ráðhúsunum í Garði og Sandgerði og í samkomuhúsinu í Sandgerði, starfsmenn skipti ekki um hópa eftir gildistöku.
- Einstakir starfsmenn fá heimild til að vinna heima í fjarvinnu, eftir samráði við sviðsstjóra/yfirmann og með heimild hans. Til þess gæti komið m.a. vegna ráðstafana við að aðskilja starfsfólk og minnka samgang milli þess og/eða við viðskiptavini. Einnig ef starfsfólk þarf að vera heimavið m.a. vegna veikinda, eða vegna þess að börn þurfa að vera heima vegna röskunar á skólahlaldi. Ef starfsmaður þarf að vera heima í sóttkví skal hann starfa í fjarvinnu eins og kostur er, í samráði við yfirmann m.a. varðandi verkefni.
- Á kaffistofum skal starfsfólk hafa rúmt pláss milli sín í matar- og kaffitímum.
- Starfsfólki er bent á að koma með mat í lokuðum umbúðum á vinnustað.

### Fundir:

- Ekki verði haldnir fundir nefnda og ráða nema nauðsyn krefur vegna mikilvægra mála. Í þeim tilvikum skal gæta ítrasta hreinlætis og fjarlægðar milli fundarmanna.
- Fundir með utanaðkomandi aðilum í ráðhúsunum eru ekki heimilir. Þó getur bæjarstjóri eða viðkomandi sviðsstjóri veitt undanþágu frá þessu, enda séu fyrir því mjög ríkar ástæður og ekki mögulegt að halda fundi sem fjarfundi. Skilyrði er að fundarmenn séu fjarri hver öðrum eins og mögulegt er og fundaraðstaða sérstaklega þrífni að fundi loknum.
- Leitast verði við að fundir verði haldnir með fjarfundabúnaði eða símafundi. (lagafrumvarp liggur fyrir Alþingi um sérstakar heimildir til fjarfunda bæjarstjórna o.fl.)
- Starfsfólk Suðurnesjabæjar skal halda fundum í lágmarki innanhúss og tekur ekki þátt í fundum utan ráðhúsa, nema brýna nauðsyn beri til og með takmörkuðum fjölda fundarmanna, að hámarki sé miðað við 10 manns og þess gætt að bil milli fundarmanna sé nægilegt, 2.m.

## Stofnanir almennt

### Fjarvinna starfsfólks:

- Einstakir starfsmenn fá heimild til að vinna heima í fjarvinnu, eftir samráði við sviðsstjóra/yfirmann og með heimild hans. Til þess gæti komið m.a. vegna ráðstafana við að aðskilja starfsfólk og minnka samgang milli þess og/eða við viðskiptavini. Einnig ef starfsfólk þarf að vera heimavið m.a. vegna veikinda, eða vegna þess að börn þurfa að vera heima vegna röskunar á skólahlaldi. Ef starfsmaður þarf að vera heima í sóttkví skal hann starfa í fjarvinnu eins og kostur er, í samráði við yfirmann m.a. varðandi verkefni.
- Starfsfólk sem er með undirliggjandi sjúkdóma eða á nána aðstandandur með undirliggjandi sjúkdóma, sem ekki verður komist hjá að eiga dagleg samskipti við, er hvatt til að vinna heima ef þess er kostur, ef útbreiðsla smits kemst á það stig að fólki sé veruleg hættu búin. Ákvörðun um slíkt er tekin í samráði starfsmanns og yfirmanns.

## **Aðgengi að stofnunum**

Takmarkanir eða bann við heimsóknum og aðgengi í stofnanir sem hér segir:

Lokað er fyrir heimsóknir og húsnæði stofnana nema fyrir þá sem þar eiga brýn erindi. Það er í höndum viðkomandi stjórnenda og forstöðumanna að sjá um framkvæmd þessa.

### **A. Algert bann :**

- Eldhús leik-og grunnskóla,
  - Aðgengi annarra en starfsfóks, stjórnenda og umsjónarmanna fasteigna er bannað.

### **B. Einungis aðgengi notenda þjónustu og viðskiptavina:**

- Leikskólar, grunnskólar, tónlistarskólar, frístundir, félagsmiðstöðvar.
  - Vísað er í sérstakar reglur og verklag hjá viðkomandi stofnunum, sem hafa stoð í auglýsingu um takmörkun á skólastarfi vegna farsóttar dags. 13. mars 2020.
  - Engar heimsóknir utanaðkomandi aðila heimilar í viðkomandi húsnæði.
  - Forráðamenn nemenda sem þurfa að fylgja ungum börnum til skóla sýni fyllstu aðgát.
- Sandgerðishöfn:
  - Einungis aðgengi að hafnarhúsi fyrir viðskiptavini vegna brýnna erinda.
- Áhaldahús Suðurnesjabæjar
  - Einungis aðgengi að áhaldahúsum fyrir viðskiptavini vegna brýnna erinda.
- Ráðhús Suðurnesjabæjar í Garði og Sandgerði
  - Sjá nánar undir kaflanum Ráðhús Suðurnesjabæjar.